



Synfocity = 869

mail us at : mzsynfo@gmail.com; mizoramsynod@gmail.com - Phone - 2314648

December 1, 2022

□ Synod Inkhawmpui

Synod Inkhawmpui wawi 99-na chu Dec. 6 - 11, 2022 chhung hian Khatla Bialin thlengin, Khatla Kohhran Biak Inah neih a ni dawn a, hemi hma hian Committee leh Board hrang hrang an thukhawm chho mek bawk. Dec. 6 (Thawhlejni)-ah Nomination Committee an thu ang a. Dec. 7 - 10, 2022 chhungin Rorel a ni ang a, zan lamah vantlang Pathian Biak inkhawm a awm ang. Dec. 11 (Pathianni) Chawhmaah Pastor nemngheh leh Pro. Pastor dahngheh inkhawm neih a ni ang a, Chawhnuah Lalpa Zanriah Sacrament kilho a ni ang a, zanah Moderator valedictory sermon ngaihthlak a ni ang.

Kumin Synod Inkhawmpui Thlarau lam thupui chu 'Pathian Lalna leh thuneihna' (Rom 11 : 36) a ni a, Dec. 10 (Inrinni) zanah Rev. Lalsangmuana, Tanhril-in Thlarau lam thupui a sawi ang.

Kumin 2022 Synod Inkhawmpuia Synod Puipa turte chu heng te hi an ni :

| | | |
|-----------------------|---|--|
| Moderator | : | Rev. Dr. C. Chawngmingliana |
| Secretaries | : | Rev. Z.D Lalmachhuana (Sr.) Upa B. Lalhmunliana (Jr.) |
| Finance Officers | : | Rev. V.L Luaia Hranleh Rev. P.C Pachhunga |
| Statistician | : | Rev. Lalsangbera |
| Senior Exe. Secretary | : | Rev. C. Zoramawia |
| Executive Secretary | : | Rev. Dr. K. Lallawmzuala |

Synod Inkhawmpui hi kum 2010 atang khan Bial-in an thleng tan a, kumin 2022 hian Khatla Bialin Khatla Kohhranah an thleng dawn a ni.

□ Presbyterian Bible School - Farewell & Dedication

Nov. 29, 2022 (Thawhlejni) khan Presbyterian Bible School (PBS) chuan Batch 53-na pualin Farewell and Dedication Programme Pi Zaii Hall, Synod Conference Centre-ah an hmang.

Programme hi Rev. Lalrinsanga, Principal-in a kaihruai a, Rev. T. Thuamliana, PBS Zirtirtu-in inlawmna leh inhmelhriattirna hun a hmang a. PBS Zirtirtu Rev. Ramngaihawma Khiangte-in report a pe a, Synod Moderator Rev. Dr. Vanlalngbaka Ralte-in zirchhuakte hnenah Certificate hlanin thuchah a sawi a, zirlai exam-a tiha te leh class kal kimte hnenah Rev. Dr. P.B. Lalmalsawma, PBS Committee member-in lawmman a hlan a, Pu C. Awithanga Award chu Rev. Lalfakawma, PBS Committee member-in a hlan bawk. Rev. V. Lalkima, PBS zirtirtu-in zirlaite tana tawngtaisakna a nei a. Rev. Lalengzika, PBS Zirtirtu-in lawmthu a sawi a. He hunah hian zaithiam Tv. Jerry Lalrinawma a zai bawk.

PBS-ah hian a din tirh atangin tun thleng hian zirlai 2562 an awm tawh a, chung zinga 2169 ten tha takin an passed tawh a. Tuna batch 53-naah hian zirlai 44 awmin zirlai 39 ten tha takin an pass a, exam lo 4 an awm.

Exam-a tiha zual pathumna thlengin lawmman Rs.1000/-, Rs.700/-, Rs.500/- leh lawmpuina thuziak PBS Committee hminga hlan an ni a, chungte chu:-

- 1-na - H. Lalthlamuana s/o H. Lalkhuma, Dinthar Vengthlang Kohhran
- 2-na - Lalramhluni d/o T. Lawmsanga, N. Vanlaiphai Damdawi Veng Kohhran
- 3-na - Jerry Zomuanpuia s/o Thangruma, Champhai Kahrawt Kohhran

Batch 53-na zirlai zingah hian class kal kim mi 12 an awm a, lawmman Rs. 500/- theuh hlan an ni.

Kum 2014 atangin zirlai zinga Christian Theology leh Kohhran Inrelbawlina & PCI Constitution Subject-a tiha ber hnenah Pu C. Awithanga Award hlan thin a ni a, award hian pawisa fai Rs.1,000/- a keng tel a ni. Tun tumah hian Lalduhawma'n Christian Theology Subject-ah 91% a hmu a, H. Lalthlamuana'n Kohhran Inrelbawlina & PCI Constitution Subject-ah 94% a hmu a ni.

□ Trust

Nov. 29 - Dec. 3, 2022 chhung hian Lunglei leh Lawngtlaiah Synod ram zirchianna neiin Upa Thangliankhuma, A.E leh Upa K. Lalremruata, OA te an kal.

❑ **Pastor Counselling Training**

Mizoram Synod, Family Guidance & Counselling Centre (FG&CC)-in Nov. 16, 2022 aţanga Pastor-te puala Intensive Residential Pastoral Care & Counselling Training wawi 30-na, Synod Conference Centre-a a buatsaih chu Nov. 29, 2022 (Thawhlehi) zan khan 'Final Evaluation & Graduation Service' neiin khar a ni. He Counselling Training-ah hian Mizoram Synod hnuaiia Pastor 27, Chin Synod, Myanmar aţangin Pastor 2 leh Phai Synod, Myanmar aţangin Pastor 3, an vaiin mi 32 training-ah hian an tel a ni.

Training kharna inkhawm hi Rev. Lalsangbera, Director, FG&CC-in a kaihhruai a, He hun hmanpuitu Rev. C. Zoramawia, Senior Executive Secretary chuan Training chhuakte hnenah Certificate semin thuchah a sawi a, "Counselling chu mi tin mamawh a nih avangin kan rawngbawlina hmun apiangah mi dangte harsatna sutkianpuitu nih i tum ang u" tiin, training chhuakte chuan an thil zirte chu midang te tana ţangkai taka hmanġ turin a fuih a ni.

Training kharna inkhawmah hian Training chhuakte chuan an hlawkpui dan a lema an ziaġ chu entirin an hrilhfiiah a, Rev. C. Rosangzuala, Damdep Bialtu Pastor-in training chhuakte aiawhin thu a sawi a. Chanmari West Pastor Bial Zaipawlte ţum hnih zaiin, FG&CC Committee Member zinga mi Upa R. Lalmalsawma'n Training chhuakte a ţawngţaisak a ni.

FG&CC hian Pastor leh Kohhrana rawngbawltu pawimawh (Church Leader)-te pualin Counselling Training a buatsaih ţhin a. Pastor-te pual hian kum 1992 aţang khan buatsaih ţanin Pastor 535 training chhuak an awm tawh a. Tin, Church Leader te pualin kum 2002 aţang khan wawi 35 buatsaih tawhin mi 781 Training chhuak an awm tawh bawġ a ni.

Synod hian Counselling Centre pakua - Mission Veng, Bawngkawn, Vaivakawn, Champhai, Serchhip, Kolasib, Lunglei, Mamit leh Khawzawlah te a nei a. Heng Counselling Centre pakuaah hian November ni 15, 2022 thlenga pantu (Client) an neiġ tawh zat chu 49,491 niin, kumin 2022 bikah mi 7,207 in an pan tawh a ni.

❑ **Synod Office Coordinator-te awmna department siamrem**

Synod Executive Committee (SEC) wawi 299-na thurel no. 12-na chuan Synod Office Coordinator thenkhat an awmna department hetiang hian a siamrem;

| Hming | Awm mekna | Awmna tur |
|-----------------------------|-------------------|-------------------|
| 1. Upa Lalrinmuana | Synod Hospital | Synod Hospital |
| 2. Upa H. Lalhmingmawia | Worship | Social Front |
| 3. Pi H. Lalfakmawii | Kohhran Hmeichhia | Kohhran Hmeichhia |
| 4. Pu Lalchhungliana | Synfo | Worship |
| 5. Upa Rochungnunga | KTP | Superintendent |
| 6. Pi Lalpianthangi Hrahsel | MSSU | MSSU |
| 7. Upa Lalmuanpuia | Service Board | KTP |
| 8. Upa Lalbiakenga Fanai | SMB | Service Board |
| 9. Upa Lalţahluna Ralte | ATC | SMB |
| 10. Pu John Lalhruiailuanga | Archives | Synfo |

Heng an hna thar te hi January 2023 aţangin an zawm ang.

❑ **Synod Mission Board leh ram pawn chet velna**

◆ **Arunachal & Assam Mission Field (West)**

Nov. 27, 2022 (Pathianni) khan 3 Lal Isua zui turin an inpe.

◆ **Jharkhand Mission Field**

Nov. 27, 2022 (Pathianni) khan mi 11 Lal Isua zui turin an inpe a, Northern Evangelical Lutheran Church (NELC) aţangin puitling pakhat kan Kohhranah a inpe bawġ.

◆ **Delhi Mission Field**

Nov. 27, 2022 (Pathianni) khan mi 12 Lal Isua zui turin an inpe.

◆ **Odisha Mission Field**

Nov. 27, 2022 (Pathianni) khan mi 3 Lal Isua zui turin an inpe.

◆ **Ramthar Campaign**

Dec. 3 & 4, 2022 hian Phulpui Kohhranah Ramthar Campaign nei turin Synod Mission Board Secretary Rev. R. Lalhmingsanga a kal ang.

- ☐ **Kum 2023 Nilai leh Beihruai Thupui Bu a chhuak ta**
 Mizoram Presbyterian Kohhran chuan nakkum 2023 atana Nilai leh Beihruai Thupui zirilaibu tur chu a tichhuak ta a, Synod Bookroom Branch leh Distribution Center-ah te lei theiha chhawp chhuah a ni. Nilai leh Beihruai Thupui bu hi Mizo lehkhahu malkhaiah Puitling Sunday School zirilaibu tih lovah chuan copy chhut chhuah tam ber a ni a. Copy 70,000 zet chhut a ni.
 Nakkum 2023 hian Mizoram Presbyterian Kohhran chuan Nilai leh Beihruai Thupui-ah "Mizoram Presbyterian Kohhran Inrelbawl dan" tih an zir dawn a. Presbyterian Pastor-te zinga mi thiam leh tawn hriat ngah, Field Secretary leh Executive Secretary hial lo ni tawh Rev. B. Sangthanga ziah a ni.
 Tun tum Thupui bu hi phek 234 zeta chhah ni mahse Rs. 140 chauhvin hralh chhuah a ni a. Mizoram puma Synod Bookroom dawr zawng zawngah lei theih tura chhawp chhuah mek a ni. Mizoram Synod chuan Nilai leh Beihruai Thupui bu hi Kohhran Upa leh Pastor-te a thlawnin a pe thin a, nakkum pawh hian an dawng leh thei dawn bawh a ni.
 Kum 2023 Nilai Leh Beihruai Thupui Bu bakah Synod Calendar, pheh khat chi chu peih fel a ni tawh a, kumtin Synod Calendar pheh mal chi-ah hian Synod Statistics pawimawh tarlan tel a ni a, Rs. 20-a lei theih a ni ang. Puitling Sunday School zirilaibu thar pawh tichhuah tawh a ni a, Naupang Sunday School zirilai bu thar pawh tichhuah kim a ni tawh bawh.
- ☐ **Presbyterian Pastor Pension Fellowship (PPPF) chuan intawhkhawm wawi 51-na**
 Nov. 29, 2022 (Thawhlehi) khan Presbyterian Pastor Pension Fellowship (PPPF) chuan Intawhkhawm wawi 51-na programme Aizawl Theological College Intercultural Centre (ICC) Hall-ah an hmang a, thupui "Kohhran Hlutna leh pawimawhna" tih chu zirho a ni.
 Intawhkhawm programme hi hun hniha hman a ni a, hun khatna hi chawhma dar 11-ah tan a ni a, Rev. Dr. Zaihmingthanga, PPPF Chairman-in a kaihrui a, Rev. Lalhmingmawia, Durtlang Leitan-in hunserh a hmang a, thupui "Kohhran Hlutna leh pawimawhna" Rev. B. Sangthanga ziah chu zirho niin sawihona neih zui nghal a ni a, he hunah hian zaithiam NI. Lalrinmawii (Arini) tum hnih a zai bawh.
 Hun hnihna hi chawhnu dar 1:30 ah neih leh a ni a, Rev. C. Rosiama, PPPF Vice Chairman-in a kaihrui a, chawhnu hunah hian Sharing leh Intihhlina hun an hmang a, hun tawpah Rev. C. Chawngliana, Finance Secretary, PPPF-in lawmthu a sawi a ni.
 Intawhkhawm wawi 51-naah hian mi 105 (Mipa 63 leh Hmeichhia 42) an kal a, Pastor thi tawh nupui 6 an kal bawh.
- ☐ **Bible Sunday**
 Dec. 7, 2022 (Pathianni) hi Bible Sunday a ni a, Presbyterian Kohhran te chuan Bible Sunday pualin inkhawm vawihnih neih tura ruahman a ni.
 Bible Sunday kan hman chhan chu Bible thehdarh kawngah intihchak tharna atan a ni a, a hman dan tur hi Bible Society of India, Aizawl Auxiliary Office lam atangin ruahman thin a ni a, chu chu Kohhran hrang hrangin an zui thin a. Bible Sunday-ah hian Bible Society pualin Inkhawm vawikhat thawhlawm lakkhawm thin a ni bawh.
- ☐ **Synod Relief Fund**
 Tun hnaia harsatna hrang hrang nei te hnenah Synod Relief Fund atangin hetiang hian chhawmdawlna pek a ni.
- | S.No | Khua | Pek chhan | Chhungkaw zat | Pek zat |
|------------------|-------------------|----------------|---------------|---------------------|
| 1. | Khawpuar | Damlo | 1 | Rs. 8,000/- |
| 2. | Khawzawl Vengsang | Damlo | 1 | Rs. 8,000/- |
| 3. | Khawhnai | Khawsak harsat | 1 | Rs. 8,000/- |
| BELHKHAWM | | | | Rs. 24,000/- |
- ☐ **DECEMBER 2, 2022 (Zirtawpni) (FM Zoawi - Aizawl & Lunglei @ 7:30 p.m.):**
Solo : V.L Neihthangi - Beiseina nung
Zaipawl : ATC Male Voice - Beiseina reng nei lo te tan
Thusawi : Rev. V.L Krawschuanmawia - Beiseina
Solo : Lalsangliana - Krista kan beiseina
Zaipawl : Bethlehem Kohhran Zaipawl - Ka lungkham ram engmawi

PATHIAN THU ZIR DUH TAN

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

| | | |
|----------------|---|--|
| Admission Form | : | Office hun chhungin Rs. 10/- a lei theih a ni |
| Dil hun chhung | : | December 13, 2022 (Thawhlehi) tlai dar 3:00 thleng |
| Dil thei chin | : | Class VII passed, kum 16 chin, Kohhran dan chhunga awm |
| Interview | : | December 16, 2022 (Zirtawpni) chawhma dar 10:00 |
| Class tan hun | : | January 12, 2023 (Ningani) |
| Zir hun chhung | : | January - April, 2023 |

Hrechiang duh tan Phone No. **0389-2317343/8296035491**-ah zawh theih a ni.

Sd/-

Rev. Lalrinsanga
Principal, PBS

RAWNGBAWLNA HNARUAK DIL THEIH

Mizoram Presbyterian Kohhran hnuai thawk turin a hnuai hnate hi a ruak a, kum 18 - 35 inkar, ni 13.12.2022 a kum 18 tling, kum 35 la pumhlum lo zuk leh hmuama fihlim, Presbyterian Kohhran mi tan dil theih a ni. Hna dilna form chu ni 10.11.2022 (Ningani) atangin Synod Office (Aizawl leh Lunglei)-ah lak chhuah theih a ni. Dilna hi Synod Office, Aizawl-ah thehluh tur a ni a. Application form man Rs. 20/- a ni. Hna dilna form-ah hriattur pawimawh tihlan a ni.

1. Synod Multipurpose Training Centre-a thawk tur

| | | |
|-------------|---|--|
| Hna hming | : | Instructor, post - 2 |
| Trade hming | : | 1. Electric Wiring & Repairing 2. Welding & Fabrication |
| Thiamna | : | HSLC with Diploma in concern trade |
| Hlawh | : | SMTC hnuai contract Instructor hlawh |

2. Synod Mission Board-a thawk tur

| | | |
|-----------|---|--|
| Hna hming | : | Missionary, post - 50 |
| Thiamna | : | Class VIII Certificate holder leh a chunglam |
| Hlawh | : | Synod hnuai contract Missionary hlawh |

3. Synod Rescue Home-a thawk tur

| | | |
|-----------|---|---------------------------------|
| Hna hming | : | Peon, post - 1 |
| Thiamna | : | Class VIII Certificate holder |
| Hlawh | : | Synod hnuai contract Peon hlawh |

Dil theih hun chhung : Dt. 7.12.2022 (Nilaini), 2:30pm thleng

Screening Test/exam : Dt. 8.12.2022 (Ningani), 10:00am

Interview : Dt. 13.12.2022 (Thawhlehi), 7am

Sd/-

Rev. C. Zoramawia
Secretary, Synod Service Board
Synod Office